

Evening Dogri (NSD) Bulletin 12-04-2025

आकाशवाणी

खास-खास खबरां

1. गृहमंत्री अमित शाह होरें छत्रपति शिवाजी महाराज हुंदी 345मीं पुण्यजिथि पर महाराष्ट्र दे रायगढ़ किले च श्रद्धांजलि भेंट कीती।
2. छत्तीसगढ़ दे बीजापुर जिले च सुरक्षाबलें कन्नै टाकरे च त्रै माओवादी मारे गे न।
3. किश्तवाड़ च त्रुं आतंकवादिगं गी सुरक्षाबलें मारी मकाया ऐ। अखनूर सेक्टर च घुसपैठ दी इक कोशश गी सेना नै विफल करी दित्ता ऐ।
4. म्यांमार च 28 मार्च गी आए दे 7.7 रीक्टर दी तीव्रता दे भूचाल दे अज्ज बउलै तोड़ी 468 भूचाल दे लौहके झटके आए न।
5. चीन दी राजधानी बीजिंग च तेज हवाई तूफान करी 838 डोआरिएं ते केई रेल सेवाएं गी रद्द कीता गेआ ऐ।
6. हनुमान जन्मोत्सव अज्ज पूरे देश च धार्मिक श्रद्धा कन्नै मनाया जा'रदा ऐ।

<><><><><><>

HM Maharashtra

केन्द्रीय गृहमंत्री अमित शाह होरें आखेआ ऐ जे छत्रपति शिवाजी महाराज होर देश दे नोजवानें लेई प्रेरणा दे स्त्रोत न, ते उंदे एतिहासक रायगढ़ जिले गी विकसित करने लेई केन्द्र सरकार ते महाराष्ट्र सरकार वचनबद्ध ऐ। गृहमंत्री होरें छत्रपति शिवाजी महाराज हुंदी 345मीं पुण्यमिथी पर महाराष्ट्र दे रायगढ़ जिले च श्री शाह होरें आखेआ जे शिवाजी महाराज हुंदा सदा आस्तै संदेस हा जे स्वराज लेई संघर्ष करदे रवै। उनें आखेआ जे प्रधानमंत्री नरेन्द्र मोदी हुंदे नेतृत्व च केन्द्र सरकार बड़ी निष्ठा कन्नै शिवाजी महाराज हुंदे उपदेशें ते नीतिगं दा पालन करा'रदी ऐ तां जे भारत पूरी दुनिया च आशा दी किरण बनियै उमरे।

<><><><><><>

USBRL Inauguration

प्रधानमंत्री नरेन्द्र मोदी हुंदा 19 अप्रैल गी उधमपुर—श्रीनगर—बारामुला रेल लिंक दे खीरी गेड़ दा उद्घाटन करने दा कार्यक्रम ऐ जेह्दे कन्नै पैहली बारी रेल राएं जम्मू कोला श्रीनगर तगर सिद्धा संपर्क उपलब्ध होग। इस रेल लिंक च दुनिया दा सब्बने शा उच्चा चनाब पुल ते भारत दा पैहला फौलाद दिएं तारें सहारे खड़ोते दा अजी खड्ड आला रेलवे पुल शामिल ऐ। औखे हिमालयी इलाके चा होइयै 272 किलोमीटर तगर फैली दी एह परियोजना भारत दी इंजीनियरिंग प्रतिभा गी प्रदर्शित करदी ऐ। उद्घाटन कोला पैहले सुरक्षा बधाई दिक्ती गई ऐ, विशेष तौरा पर चनाब पुल ते प्रमुख ट्रैक खड़े दे कोल। सीसीटीवी निगरानी बी दिक्ती जा'रदी ऐ।

<><><><><><>

PM-Daripalli

प्रधानमंत्री नरेन्द्र मोदी होरें दारीपल्ली रामैया हुंदे काल पर दुख प्रगट कीता ऐ, जेह्दे लक्खें बूहटें—पौधे दी सांभ ते प्रक्षारोपण गी अपना जीवन समर्पित करी दिक्ता। अपनी सोशल मीडिया पोस्ट च प्रधानमंत्री होरें अगें आखेआ जे प्रकृति कन्नै उंदा डूंहगा प्यार ते भविष्य दी पीढ़िं दी भलाई बेहतरी लेई उंदी सोच, देश दे नोजवानें गी सदा प्रेरणा दिंदी रेई ते पृथ्वी गी इक हरे भरे ग्रह दे तौर पर कायम करने दी सोच गी पूरा करने च मदद करोग।

<><><><><><>

BJP Tariffs

बीजेपी नै आखेआ ऐ जे अमरीका आस्सेआ आसयात शुल्क लाने मगरा दुनिया भरै दी अर्थबवस्था च खलीबली दे बावलूद भारत दी अर्थबवस्था मजबूत बनी दी ए। नमीं दिल्ली च मीडिया गी संबोधत करदे होई बीजेपी दे प्रवक्ता सैयद जफर होरें दस्सेआ जे भारत दी अर्थबवस्था आत्म निर्भर ऐ ते तेजी कन्नै बढ़ा फुल्ला'रदी ऐ। उनें आखेआ जे प्रधानमंत्री नरेन्द्र मोदी हुंदे नीतिगत सेवाएं दी बदोलत देश दी अर्थबवस्था मजबूत होइ ऐ। उनें आखेआ जे 2014 च सत्ता च औने मगरा नरेन्द्र मोदी सरकार भलेयां हेठले सतर थमां आर्थिक सुधार लागू कीते। उनें प्रधानमन्त्री जनधन योजना ते मुद्रा योजना दे फायदें गी बी उजागर कीता। उनें आखेआ जे मुद्रा योजना लौहके कारोबारिं ते उद्यमिं गी सहायता उपलब्ध कराइयै पूरी दुनिया लेई आदर्श योजना साबत होई ऐ।

<><><><><><>

Maoists Killed

छत्तीसगढ़ दे बीजापुर जिले च सुरक्षाबलें ते माओवादिएं बशकार टाकरे च त्रै आतंकवादी मारे गे न। इंद्रावती जंगलाती च सीआरपीएफ दी कोबरा बटालियन, जिला रिजर्व गार्ड ते स्पेशल टास्क फोर्स दी सांझी टीमें नै इक नकसल विरोधी अभियान चलाए दा हा, जिस दरान अज्ज बडलै माओवादिएं ते सुरक्षाबलें बशकार टाकरा शुरू होआ। मारे गेदे माओवादिएं दी त्रै लोथें गी सुरक्षाबलें बरामद कीता ऐ। मती मात्रा च थेआर असलाह गी बरामद होआ ऐ। इलाके च तलाशी अभियान अजें चला'रदा ऐ।

<><><><><><>

Ongoing Operations Kishtwar

जम्मू-कश्मीर च हाल दे दिनें दरान आतंकवादिएं कन्नै होए दे टाक्करें ते सुरक्षाबलें आसेआ चलाए जा'रदे आतंकवादी रोधी अभियानें दे मददेनजर, भारती फौज ते जम्मू-कश्मीर पुलसै, अपने अभियानें गी उच्चर जारी रखने दी वचनबद्धता गी पक्का कीता ऐ, जिच्चर, सब्भनें आतंकवादिएं दा सफाया नेई करी दित्ता जंदा। अज्ज लोआए गेदे इक सांझे संवाददाता सम्मेलन गी संबोधित करदे होई किश्तवाड़-डोडा-रामबन रेंज दे डीआईजी श्रीधर पाटिल ते 5 सैक्टर असम राईफल्स दे कमांडर ब्रिगेडियर जेबीएस राठी होरें आखेआ ऐ जे सब्भनें आतंकवादिएं गी मारी-मुकाई दित्ते जाने तोहड़ी सुरक्षाबलें दे अभियान बरोबर जारी रौह्छन। उ'नें आखेआ जे मुकामी लोकें आसेआ सुरक्षाबलें गी हर चाल्ली दी मदाद उपलब्ध करोआई जा'रदी ऐ।

ध्यानजोग ऐ जे किश्तवाड़ जिले दे छात्तरु इलाके च सुरक्षाबलें त्रै पाकिस्तानी आतंकवादिएं गी मारी-मुकाया ऐ। सुरक्षाबलें जंदे रोज इक आतंकवादी दा सफाया कीता हा जदके अज्ज द'ऊं होर आतंकवादिएं गी ढेर कीता गेआ। फौज, जम्मू-कश्मीर पुलस ते सीआरपीएफ आसेआ जंदी 9 अप्रैल गी इलाके च सांझे तौर उप्पर आतंकवाद-रोधी अभियान रम्मेआ गेआ हा।

<><><><><><>

Infiltration Bid Akhnoor

भारती फौजै, जंदी चिरें रातीं अखनूर सैक्टर दे केरी भट्टल इलाके च कब्ज़ा रेखा कश, भारी थेहारें कन्नै लैस आतंकवादिएं दे इक समूह आसेआ घुसपैठ दी कोशश गी नाकाम

बनाई दित्ता ऐ। फौज नै आखेआ ऐ जे सोहगे जोआनें, इक लौहकी नदी दे नेड़े संदिग्ध नक्लो—हरकत दिक्खने परैन्त घुसपैठिएं गी ललकारेया जेह्दे परैन्त दौनें बक्खी दा गोलीबारी शुरू होई गई। टाक्करे दरान भारती फौज दे जेसीओ कुलदीप चंद होर वीरगति गी प्राप्त होए। भारती फौज नै अज्ज लोआए गेदे श्रद्धांजलि कार्यक्रम दरान देसै लेई सर्वोच्च बलिदान देने आहले जांबाज जेसीओ होरेंगी श्रद्धांजलि अर्पित कीती। सुरक्षाबलें पूरे इलाके दी घेराबंदी करी लैती दी ऐ ते उत्थे बड़डे पैमाने पर तपाशी अभियान चलाया जा'रदा ऐ। ध्यानजोग ऐ जे पुंछ च भारत ते पाकिस्तान बश्कार ब्रिगेड—स्तर दी फलैंग मीटिंग दे छड़े द'ऊं दिनें परैन्त गै घुसपैठ दी एह कोशश कीती गई ऐ।

<><><><><><>

LG Tribute

लेफ्टिनेंट गवर्नर मनोज सिन्हा होरें सुंदरबनी दे केरी—बट्टल इलाके च देसै लेई सर्वोच्च बलिदान देने आहले भारती फौज दे जांबाज सूबेदार कुलदीप चंद होरेंगी श्रद्धांजलि अर्पित कीती। एलजी होरें आखेआ ऐ जे चंदी दलेरी ते बलिदान गी कदे बी भुलाया नेई जाहग। च'नें आखेआ जे दुक्खै दी इस घड़ी च पूरा देश, शहीद दे परोआरें आहलें कन्नै पूरे तगड़ेयाई कन्नै खड़ोते दा ऐ।

<><><><><><>

Myanmaar

म्यांमार च अज्ज बडलै तगर 468 भूंचाल दे झटके आए न। 28 मार्च गी 7.7 रिक्टर दी तीव्रता आला भूंचाल म्यांमार च आया हा। अज्ज औने आले झटके च मती गिनतरी 4 रिक्टर कोला घट्ट गै रेही ते कोइ नुक्सान नेई होआ। गोआंढी देश थाईजैंड च बी 21 हल्की तीव्रता आले भूंचाल दे झटके आए जेह्दे Mae Hon Son इलाके च मते सेहीकीते गे।

<><><><><><>

China Strom

बीजिंग च, ते चीन ते उत्तरी हिस्सें च अज्ज हवाई तूफान करी सैंकड़े डोआरिएं गी रद्द करना पेआ ते रेलगडिडिएं गी रोकना पेआ। मीडिया दी रिपोर्टें मूजब बीजिंग दे दो मुख्य हवाई अड्डें पर अज्ज 838 डोआरिएं गी रद्द कीता गेआ। रेल सेवाएं गी बी मुलतवी कीता

गेआ ऐ, जिंदे च एयरपोर्ट ते उच्च गति आली रेल लाइनां शामिल न। राजधानी च 3 सौ शा बद्ध दरख्त बूहटे ढेई पे न तेकेई गडिडएं गी नुक्सान पुज्जा ऐ। चीन दे अधिकारिएं कल चेतावनी लोक घरें रु गै रौहन।

<><><><><><>

US Foreign

अमरीका च व्हाइट हाउस नै घोषणा कीती ऐ जे 30 दिन थमां मता चिर उत्थें रौहने आले सब्बै विदेशी नागरिक सरकार कोला अपना पंजीकरण कराई लैन, नेई ते उंदे पर सख्त कारवाई कीती जाग, जेहूदे च जुमाना, कैद ते निर्वासन शामिल ऐ। नमें कनून मूजब वीजा धारकें ते वैध स्थाई बसनीकें सनें सब्बने विदेशी नागरिकें गी पंजीकरण कराना लाजमी ऐ ते पंजीकरण दा सबूत म्हेशां उंदे कोल होना लोडघचदा। एह कनून उनें व्यक्तिएं पर लागू होग, जेहूदे 30 दिन शा मती मुद्दत लेई अमरीका च प्रवास करगंन, ते इंदे च नमें औने आली विदेशी नागरिकें बी शामिल न, जिनेंगी अमरीका पुज्जने दे इक म्हीने दे अंदर अपना पंजीकरण करना होग। होमलैंड विभाग नै स्पष्ट कीता ऐ जे अप्रैल थमां अगड़े अमरीका ओने आले व्यक्तिएं गी 6 म्हीने दे अंदर अंदर पंजीकरण करना होग। एहूदे अलावा 14 साल दी उमर पूरी करने आले सब्बने बच्चे गी बी परतियै पंजीकरण कराना होग, भामें उनें पैहले नां दर्ज करोआए दा ऐ। व्हाइट हाउस दे विदेश सैक्रेटरी होरें दस्सेआ जे एह कनून अमरीका दी राश्ट्रीय सुरक्षा ते कनून दी अमलावरी लेई ऐ।

<><><><><><>

Rana Eco Vista Museum

पर्यावरण सरबंधी जागरूकता ते विरासत दे संरक्षण लेई इक महत्वै आहली गैह पुट्टदे होई जंगलात ते पर्यावरण मंत्री जावेद अहमद राणा होरें अज्ज जम्मू दे रैका पार्क च ईको-विस्टा नांS दे अजैबघर दा उद्घाटन कीता। भलेआं अज्जै-कल्लै दिएं सुविधाएं कन्नै लैस इस अजैबघरै च जम्मू-कश्मीर दी समृद्ध वन सम्पदा, कला ते दस्तकारिएं ते खित्ते दी बन्न-सबन्नता गी प्रदर्शित करने आहले नमूनें गी प्रदर्शित कीता गेदा ऐ। मंत्री होरें इस पैहलकदमी गी, लोकें गी कुदरत कन्नै जोड़ने ते विरासत दे संरक्षण लेई इक नतीजाकुन गैह करार दित्ता। उ'नें मेद बुज्जी जे एह अजैबघर, भविक्ख दिएं पीढ़िएं लेई पर्यावरण दी राक्खी-हिफाजत करने दे प्रति लोकें गी प्रेरित करोग।

<><><><><><>

Hanuman Jayanti

अज्ज देश भरै च हनुमान जयंती पूरे धार्मिक जोश दे कन्नै मनाई गई। धार्मिक ग्रंथ मताबक चैत्र महीने दी पुण्या गी भगवान बजरंगबली हुंदा जन्म होआ हा जेह्दे उपलक्ष्य च हर ब'रे हनुमान जन्मोत्सव दा ध्यार मनाया जंदा ऐ। जिसी हनुमान जयंति बी आखेआ जंदा ऐ। मन्नेआ जंदा ऐ भगवान हनुमान होर सांभधाम धरतह पर मजूद न ते जेहड़ा बी पूरी श्रद्धा ते आस्था कन्नै उनेंगी चेता करदा ऐ, बजरंगबली उंदे सब्बने कठिनाइएं दा निवारण करदे न। जम्मू शैहरा च बी एह ध्यार बड़ी मती श्रद्धा ते उत्साह कन्नै मनाया गेआ। बडलै सवेला गै लोकें भगवान हनुमान हुंदे मंदरे च जाइयै मत्था टेकेआ ते बल—बुद्धि दा आशीवाद प्राप्त कीता।

<><><><><><>